




ՏԱՐԵԿԱՆ ՏԵՂԵԿԱԳԻՐ
ԵՐՈՒՄԱՂԵՄԻ ՍՐԲՈՑ ԹԱՐԳՄԱՆՉԱՅ
ԵՐԿՐՈՐԴԱԿԱՆ ՎԱՐԺԱՐԱՆԻ
(1979—1980)

Մայր Աթոռ Ս. Էջմիածին ուղարկված տեսչական տարեկան տեղեկագրից քաղվածաբար ներկայացնում ենք հետևյալ ծանոթությունները Ս. Թարգմանչաց վարժարանի 1979—1980 թվականների ուսումնական, բարոյական և նյութական գործունեության մասին:

Նշված ուսումնական տարում Ս. Թարգմանչաց վարժարանում պաշտոնավարել են 4 եկեղեցական և 25 աշխարհական ուսուցիչներ, «ուսուցչի մը հատուկ խղճմտությամբ», գործակցելով տեսուչ Տ. Կյուրեղ եպս. Գաբրիելյանին:

Անցնող ուսումնական տարում վարժարանի երկսեռ ուսանողության թիվը եղել է 200, մանկապարտեզ՝ 31 մանչ և 33 արջիկ, համագումար՝ 64, նախակրթարան՝ 33 մանչ, 38 աղջիկ, համագումար՝ 71, երկրորդական վարժարան՝ 22 մանչ, 43 աղջիկ, համագումար՝ 65:

Անցյալ տարվա 11 շրջանավարտներից չորսը շարունակում են իրենց համալսարանական կրթությունը, երեքը Երևանի համալսարանում՝ Անուշ Նազգաշյանը, Սոնա Պիթարյանը և Հակոբ Թումայանը, իսկ Լոնդոնի համալսարանում՝ Սիլվա Սարգսյանը: Մնացած յոթ շրջանավարտները Երուսաղեմում «Կհետևին զանազան մասնավոր, գործնական դասընթացներու և կամ նետված են կյանքի ասպարեզ»:

Երևանի պետական համալսարանում այժմ սովորում են Ս. Թարգմանչաց վարժարանից նախկին շրջանավարտ ութ ուսանողներ:

Վարժարանում դասավանդում են.

Մանկապարտեզի Ծաղիկ դասարանից սկսած հայերեն, անգլերեն, արաբերեն և եբրայեցերեն լեզուները: Վարժարանի դասավանդությունների պաշտոնական լեզուն հայերենն է:

1980 թվականի հունվարի 2—12 օրերին տեղի են ունեցել վարժարանի կիսամյա քննությունները, իսկ մայիսի 21—30 օրերին՝ ամավերջի քննությունները:

Այս ուսումնական տարում վարժարանի երկրորդական բաժնից շրջանավարտներ են եղել 10 տղա և աղջիկ ուսանողներ, որոնցից չորսը սովորելու են Երևանի պետական համալսարանում:

Տարեկան տեղեկագրում խոսվում է նաև վարժարանի մարմնակրթական աշխատանքների, ձեռագործի, բազարի և դպրոցական այլ հանդիսությունների մասին:

Տեղեկագրում կարևորությամբ նշվում է, որ տեսչության և ուսուցչական կազմի ուշադրության կենտրոնում է եղել «աշակերտության հոգևոր-կրոնական դաստիարակությունը»:

Վարժարանի «կրթական-բարոյական»

այս հաշվետվության կցվել է նաև «տըն-տեսական հաշվետվությունը»:

Սույն հաշվետվությունից երևում է, որ «դպրոցական կյանքի բարգավաճման, կենսունակության և արդյունավորման կարևորագույն ազդակներն մին է խումբը արտասահմանյան ազնիվ նվիրատուներուն, որոնք իրենց բարոյական և տնտեսական գործակցությամբ կհանդիսանան ողնաշարը դպրոցական գործունեությանը»: Տեղեկագիրը ջերմ շնորհակալություն և երախտագիտություն է հայտնում բոլոր բարերարներին:

Տեղեկագրում տեսչության, ուսուցչական կազմի և «աշակերտության կողմն որդիական ամենաջերմ սիրո և շնորհակալության խոսքեր» են արձանագրված «մեր շատ սիրելի Ամենայն Հայոց Վեհափառ Հայրապետ Ս. Ս. Վազգեն Ա-ին, որուն բարեհաճ

կարգադրությամբ վարժարանը այս տարի ևս օգտվեցավ Արգարյան Ավանդի խնամակալությունեն 500 անգլիական սթերլինգի հատկացումով մը»:

Վարժարանի տեսուչ Ս. Կյուրեղ եպս. Գաբրիկյանը, տարեկան իր տեղեկագրի վերջում «շնորհակալության և երախտագիտության արտագին խոսք է» ուղղում Երուսաղեմի հայոց ամենապատիվ Ս. Եղիշե սրբազան պատրիարքին, «որ տարիներն է վեր մեր տկար անձին հաճեցավ վստահել Սուրբ Աթոռի ամենեն պանծալի հաստատություններեն՝ Ս. Թարգմանչաց երկրորդական վարժարանի տեսչությունը և հետո այն բարի և հայրական խնամքին և հոգածության համար զոր երբեք չէ զլացած այս հաստատության և անոր նվիրական գործին նկատմամբ, իբրև գերագույն տեսուչն ու առաջնորդը այս մտքի և լույսի տան»:

